

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO RADA I SOCIJALNE POLITIKE**

---

**PRAVILNIK  
O CENTRALNOM REGISTRU U OBLASTI HRANITELJSTVA  
U FEDERACIJI BOSNE I HERCEGOVINE**

**Sarajevo, april 2018. godine**

Na osnovu člana 51. stav (4) i člana 58. stav (5) Zakona o hraniteljstvu u Federaciji Bosne i Hercegovine ("Službene novine Federacije BiH", broj: 19/17), federalni ministar rada i socijalne politike donosi

**PRAVILNIK  
O CENTRALNOM REGISTRU U OBLASTI HRANITELJSTVA  
U FEDERACIJI BOSNE I HERCEGOVINE**

**I – OPĆE ODREDBE**

Član 1.  
(Predmet Pravilnika)

(1) Ovim pravilnikom uspostavlja se Centralni registar u oblasti hraniteljstva u Federaciji Bosne i Hercegovine (u daljem tekstu: Centralni registar), način vođenja Centralnog registra, knjige evidencija koje se vode kroz Centralni registar, njihov sadržaj i druga pitanja od značaja za Centralni registar.

(2) Izrazi koji se koriste u ovom pravilniku, a koji imaju rodno značenje, bez obzira jesu li korišteni u muškom ili ženskom rodu, obuhvataju na jednak način muški i ženski rod.

Član 2.  
(Centralni registar)

(1) Centralni registar sadrži evidencije o potencijalnim hraniteljima, hraniteljima i hranjenicima u Federaciji Bosne i Hercegovine (u daljem tekstu: Federacija).

(2) Evidencije iz stava (1) ovog člana vode se kao:

- a) Evidencija o potencijalnim hraniteljima;
- b) Evidencija o hraniteljima i
- c) Evidencija o hranjenicima.

Član 3.  
(Vođenje registra)

(1) Centralni registar vodi Federalno ministarstvo rada i socijalne politike (u daljem tekstu: Ministarstvo).

(2) Centralni registar vodi se na elektronskim obrascima putem elektronske baze podataka o korisnicima svih prava iz oblasti socijalne i dječije zaštite u Federaciji Bosne i Hercegovine – SOTAC (u daljem tekstu: Baza podataka).

(3) Centralni registar se vodi na osnovu podataka koje u Bazu podataka unosi nadležni centar za socijalni rad (u daljem tekstu: centar).

(4) Za područje svoje mjesne nadležnosti centar podatke o potencijalnim hraniteljima, hraniteljima i hranjenicima unosi u Bazu podataka i o tome obavještava kantonalno ministarstvo nadležno za oblast socijalne i dječije zaštite i Ministarstvo u roku osam dana od dana donošenja rješenja, odnosno zaključivanja ugovora.

(5) Centar je obavezan sve promjene unijeti u Bazu podataka i o tim promjenama dužan je obavijestiti kantonalno ministarstvo nadležno za oblast socijalne i dječije zaštite i Ministarstvo u roku osam dana od dana nastale promjene.

**Član 4.**  
(Brisanje iz Centralnog registra)

(1) U slučajevima donošenja rješenja o neispunjavanju uslova za obavljanje hraniteljstva, odnosno rješenja o prestanku važenja rješenja o ispunjavanju uslova za bavljanje hraniteljstvom, centar po službenoj dužnosti obavještava kantonalno ministarstvo nadležno za oblast socijalne i dječije zaštite i Ministarstvo.

(2) U roku od tri dana od dana prijema obavijesti iz stava (1) ovog člana Ministarstvo će izvršiti brisanje potencijalnog hranitelja ili hranitelja iz Centralnog registra.

## **II – SADRŽAJ CENTRALNOG REGISTRA**

**Član 5.**  
(Evidencija o potencijalnim hraniteljima)

Evidencija o potencijalnim hraniteljima vodi se na elektronskom obrascu u koji se upisuju sljedeći podaci:

1. Podaci o organu starateljstva:

- a) Naziv;
- b) Adresa;
- c) Jedinstveni identifikacioni broj (JIB);
- d) Broj telefona;
- e) E-mail adresa.

2. Podaci o potencijalnom hranitelju:

- a) Ime i prezime;
- b) Ime jednog roditelja;
- c) Spol;
- d) Datum i mjesto rođenja;
- e) JMB;
- f) Adresa prebivališta/boravišta;
- g) Nacionalnost;
- h) Državljanstvo;
- i) Školska sprema;
- j) Zanimanje;
- k) Radni status (zaposlen, nezaposlen, penzioner);
- l) Bračni status (bračna zajednica, vanbračna zajednica, samac).

3. Podaci o hraniteljskoj porodici:

- a) Ukupan broj članova porodice;
- b) Ukupan broj djece u porodici (spol i godište);
- c) Stambeni status (vlasništvo, suvlasništvo, zakup, drugo).

4. Podaci o podobnosti za obavljanje hraniteljstva:

- a) Broj i datum prijave za bavljenje hraniteljstvom;
- b) Broj i datum stručne procjene centra iz člana 24. Zakona o hraniteljstvu u Federaciji Bosne i Hercegovine;
- c) Broj i datum mišljenja edukatora iz člana 25. Zakona o hraniteljstvu u Federaciji Bosne i Hercegovine;
- d) Broj i datum rješenja o ispunjavanju uslova za obavljanje hraniteljstva;
- e) Vrsta hraniteljstva (tradicionalno, specijalizovano, hitno, povremeno);
- f) Broj hranjenika koji mogu biti zbrinuti (odrasli/djeca, spol, dob);
- g) Broj i datum obavljene revizije.

#### 5. Edukacija:

- a) Podaci o prvoj edukaciji (datum i mjesto);
- b) Podaci o dodatnim edukacijama (tema, datum i mjesto).

#### Član 6. (Evidencija o hraniteljima)

Evidencija o hraniteljima vodi se na elektronskom obrascu u koji se pored podataka propisanih članom 5. ovog pravilnika upisuju i sljedeći podaci:

- a) Broj i datum ugovora o hraniteljstvu;
- b) Datum smještaja hranjenika u hraniteljsku porodicu;
- c) Ime i prezime smještenog hranjenika;
- d) JMB smještenog hranjenika;
- e) Srodstvo sa smještenim hranjenikom;
- f) Oblik hraniteljstva;
- g) Datum prestanka smještaja hranjenika u hraniteljsku porodicu;
- h) Razlozi prestanka smještaja.

#### Član 7. (Evidencija o hranjenicima)

Evidencija o hranjenicima vodi se na elektronskom obrascu u koji se upisuju sljedeći podaci:

##### 1. Podaci o organu starateljstva:

- a) Naziv;
- b) Adresa;
- c) Jedinostveni identifikacioni broj (JIB);
- d) Broj telefona;
- e) E-mail adresa.

##### 2. Podaci o hranjeniku:

- a) Ime i prezime;
- b) Ime oca;
- c) Ime majke;
- d) Spol;
- e) Datum i mjesto rođenja;
- f) JMB;
- g) Adresa prebivališta/boravišta;
- h) Nacionalnost;
- i) Državljanstvo;

- j) Starateljstvo (broj i datum rješenja o stavljanju pod starateljstvo, ime i prezime staratelja).

### 3. Individualni plan:

- a) Broj i datum individualnog plana;
- b) Broj i datum revizije individualnog plana;
- c) Individualni plan.

### 4. Podaci o hraniteljstvu:

- a) Broj i datum rješenja o priznavanju prava na hraniteljstvo;
- b) Visina hraniteljske naknade;
- c) Visina naknade za izdržavanje hranjenika;
- d) Umanjenje po osnovu obaveze plaćanja (hranjenik, roditelj, usvojitelj ili srodnik koji je po odredbama Porodičnog zakona Federacije Bosne i Hercegovine dužan da izdržava hranjenika ili drugo pravno ili fizičko lice koje je preuzelo obavezu plaćanja troškova);
- e) Broj i datum ugovora o hraniteljstvu;
- f) Datum smještaja hranjenika u hraniteljsku porodicu;
- g) Vrsta hraniteljstva prema potrebama hranjenika:
  - Tradicionalno (dijete ili mlađe punoljetno lice bez odgovarajućeg roditeljskog staranja čiji psihofizički razvoj i nivo funkcionisanja ne odstupaju značajnije od razvoja i odrastanja djeteta iste životne dobi, a za koje je procijenjeno da je primjena hraniteljstva u njegovom najboljem interesu; dijete čiji je razvoj ometen porodičnim prilikama; odraslo lice za zadovoljavanje svakodnevnih životnih potreba povezanih uz njegovu životnu dob ili zdravstveno stanje; samohrani roditelj s djetetom do godinu dana starosti djeteta ukoliko nema sredstava za izdržavanje ili kojem je usljed neriješenog stambenog pitanja ili poremećenih porodičnih odnosa potreban privremeni smještaj u hraniteljskoj porodici);
  - Specijalizovano (dijete: dijete s invaliditetom, odgojno zanemareno dijete, dijete u sukobu sa zakonom, dijete žrtva porodičnog i drugog nasilja, dijete žrtva trgovine ljudima, dijete žrtva zloupotrebe psihoaktivnih supstanci i drugih oblika ovisnosti, dijete s društveno negativnim ponašanjem, dijete kojem je zbog posebnih okolnosti potreban odgovarajući oblik socijalne zaštite, maloljetna trudnica, maloljetni roditelj ili maloljetni roditelji s djetetom ako se na taj način osnažuje njihovo roditeljstvo i ako nemaju porodičnu podršku; odraslo lice: lice s invaliditetom, lice s društveno negativnim ponašanjem, lice u sukobu sa zakonom, žrtva porodičnog i drugog nasilja, žrtva trgovine ljudima, žrtva zloupotrebe psihoaktivnih supstanci i drugih oblika ovisnosti, za koje je procijenjeno da je njihov smještaj u specijalizovanu hraniteljsku porodicu u njihovom najboljem interesu);
  - Hitno (dijete: napušteno od roditelja, koje roditelji grubo ili u većoj mjeri zanemaruju ili zlostavljaju, kojem su roditelji spriječeni brinuti o njemu zbog teške bolesti ili smrti, u drugim situacijama kada je dijete potrebno hitno zbrinuti; odraslo lice: jer je staro, nemoćno, napušteno, a ovisno o pomoći i njezi drugog lica, zbog elementarne nepogode usljed koje je ostalo bez vlastitog doma, jer je žrtva nasilja, u slučaju kada umre roditelj koji se starao o licu s invaliditetom, a o njemu se nema ko nastaviti starati);
  - Povremeno (dijete s razvojnim ili zdravstvenim teškoćama, dijete čija porodica ima različite teškoće u funkcionisanju, odraslo lice s invaliditetom, koje živi u vlastitoj ili hraniteljskoj porodici, pa se upućuju na smještaj u drugu hraniteljsku porodicu na kraće vrijeme (vikend, praznike ili tokom

dana) radi očuvanja kapaciteta vlastite ili hraniteljske porodice, radi sprečavanja nepovoljnih situacija koje bi mogle privremeno ugroziti funkcionisanje porodice i dobrobit djeteta, odnosno odraslog lica);

- h) Vrsta hraniteljstva prema statusu
  - Nesrodničko;
  - Srodničko (koje srodstvo);
- i) Datum prestanka hraniteljstva;
- j) Razlozi prestanka hraniteljstva.

### **III – ZAVRŠNA ODREDBA**

#### **Član 8. (Stupanje na snagu)**

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj: 05-02/3-688/18  
25. aprila 2018. godine  
Sarajevo

**MINISTAR**  
Vesko Drljača